

reconnoit sans peine dans la maniere de Mr. Ferrari celle de Cornelius Nepos. Nous citerons ce commencement de l'histoire de Mr. de Laudon.

*Laudonius patriâ Livo , natione Britannus , claro genere. Hic virtutis commendationem attulit ad omnes militares gradus , ut nemo non illum semper majoribus putaret dignum ; itaque fortitudine & consilio in maximam claritatem pervenit , & nobile nomen historiis nulli secundus intulit. Atque in hoc illud inprimis fuit admirabile , quod intra triennium ex tribuno alterum ab imperatore gradum est consecutus , idemque justis exercitibus præfuit. Tantum autem abfuit ab insolentia gloriæ , ut nihil de moribus mutarit aut de virtute remiserit. Moderatæ sapientisquæ vitæ ratione , affabilitate , amicitia , modestia , plurima faciens , minimè de se loquens magnam benevolentiam adeptus est , & superavit invidiam. Nemo milites in officio & parentes plus habuit ; eorum etiam secundissimâ usus est voluntate , ut quotiescumque illi aliqua expeditio esset commissa , magna omnes incessest cupido eum sequendi propter opinionem prudentiæ & fortitudinis. Nihil enim illum non aggredi , nihil non posse efficere putabant. Erat autem consilio summo , animo magno , manu fortis , in suscipiendo audax , in perficiendo celer. Ad hæc peritus regionum , in explorandis hostium consiliis callidus , in tegendis suis diligens ; & nemo illo magis habuit cognitæ omnes artes Friderici Regis , ut ad ejus disciplinam*